

1681 թուականին թորոսովիչ մեռաւ :

Թորոսովիչի յաջորդը, որ պիտի գրաւէր թափուր աթոռը, Յունանեան եպիսկոպոսը, Հայաստանում ընկաւ ճիշդ նոյն վիճակի մէջ, որի մէջ Հոովմում ընկել էր թորոսովիչը :

Նահապետ եւ Եղիազար կաթողիկոսները ոչ մի պայմանով չէին համաձայնում թոյլ տալ նրան հեռանալ էջմիածնից եւ Լվովի համար նշանակում էին եպիսկոպոսներ, որոնց լեհ կաթողիկի իշխանութիւնները հեռացնում էին Լեհաստանից : Ի վերջոյ, միայն Եան Սորբսկի թագաւորի յամառ խնդրանքների վերայ, անյարմար գտնելով մերժել*), Եղիազար կաթողիկոսը ազատեց Յունանեանին պատուաւոր գերութիւնից եւ թոյլ տուեց, որ մեկնի Լեհաստան . եւ Յունանեանը մեկնեց 1686 թրււին :

Յունանեանի Լվով հասնելուց եւ արքեպիսկոպոսական աթոռը ձեռք առնելուց յետոյ, բոլոր թիւրիմացութիւնները վերացան, բոլոր հայերը լծուեցին յօգուտ միութեան : Նա շատ արագ կերպով կարգադրեց ընդդիմացող քահանաների խնդիրը, եւ 1691 թ. միութեան գործը աւարտուեց ո՛չ միայն Լեհաստանում, այլեւ Վալախիայում :

* * *

Իսկ յետո՞յ... Իսկ յետոյ յաջորդեց հայե-

*) Եան Սորբսկի թագաւորը (1674-1696 թ.), հայ ժողովրդի մշտական հովանաւորն ու բարեկամը, իր պաշտպանութեամբ մեծապէս նպաստեց հայկական առեւտրի եւ արհեստների զարգացման : Այս պաշտպանութեան իբրեւ փոխարինում, հայերը տուին Եան Սորբսկիի բանակին երկու հազարանոց հետեւակ մի զօրամաս, Վիեննայի ճակատամարտի ժամանակ (1683 թ.), որը վերջացաւ թուրքերի ջախջախիչ պարտութեամբ : Բարեացակամութեամբ լեցուած դէպի հայերը նրանց հերոսական մասնակցութեան պատճառով ճակատամարտում՝ Սորբսկին մտածեց վերականգնել Հայաստանի թագաւորութիւնը, որի մասին բանակցութիւնների մէջ մտաւ կաթողիկոսի հետ : Հասկանալի է, որ նման մէկի խնդիրը կաթողիկոսը չէր կարող մերժել : Սորբսկիի ծրագրի մասին կը խօսենք քիչ վերջը :

րի իրաւունքների լիակատար հաւասարեցում լեհ ազգաբնակչութեան հետ, որի հետեւանքը եղաւ այն, որ հայերը կորցրին ներքին շաղախը . այլեւս ո՛չ մի բան չէր կասեցնում նրանց, եւ ձուլուեցին լեհերի հետ : Կապալառուներից դարձան կալուածատէրեր, սկսեցին լեհ կալուածատէրերի հետ ապրել ընդհանուր կեանքով սկսեցին ստանալ ազնուականութեան տիտղոս ու լեհանալ : Ծայր տուին խառն ամուսնութիւնները : Լեհերի հետ ամուսնացող աղջիկները կորցնում էին հայութիւնը՝ տանելով իրենց հետ ամբողջովին կամ մասամբ եւ այնպիսի դժուարութեամբ հաւաքուած հայկական հարստութիւնները : Լեհուհիների հետ ամուսնացող հայ երիտասարդները դիւրութեամբ լեհանում էին եւ խառնուած-կորչում ազգաբնակչութեան ընդհանուր զանգուածի մէջ) :

Նրանք, որ այժմ հայ են համարւում եւ արձանագրուած են հայկական ծէսի կաթողիկոսների շարքերում, մեծ մասամբ ո՛չ թէ կաթողիկոսականութեան հայեր են, այլ հայկական ծագում ունեցող լեհացիներ, որոնք, յաճախ, նոյնիսկ հպարտանում են այդ ծագումով, բայց եւ այնպէս մնում են հաւատարիմ զաւակներ իրենց նոր հայրենիքի :

Եւ եթէ մինչեւ այսօր Լեհաստանում մնացել են հայեր, դրա պատճառը, գլխաւորապէս, պապական աթոռն է, որը՝ դրդուած իր շահերից Արեւելքում, ուր հոովմէական եկեղեցին ուժգնօրէն աշխատում էր եւ այժմս էլ աշխատում է իրեն ենթարկել հայոց եկեղեցին, խըստօրէն պահանջում էր հայերից՝ պահպանել սեփական ազգային ծիսակատարութիւնը : Պա-

*) Դր. Անտոնի Ռոլին, հեղինակը Պոտոլի (Գալիցիայի արեւելեան մաս) շրջանի պատմութեան մի շարք գրուածքների, որոնց մէջ հաղորդում է բազմաթիւ հետաքրքրական մանրամասնութիւններ այդ շրջանի հայերի պատմութեան մասին, մատնանշում է, որ Կամենեցի շրջակայքը բաւական ընդարձակ տարածութեան վրայ չկար ո՛չ մի ազնուական ընտանիք, որի երակներում հայի արիւն չհոսէր : St'e's Dr. Anton, I. "Nowe Opowiadania Historyczne". Wartabet, Str. 153.